


盤山志



卷之十四
六

盤山志卷之十四

藝文五

觀自雙峰寺望上盤山

高士奇

崒嶂雙峰日已西
空山寂寂鳥頻啼
依稀樵徑無

人跡只有花香送
馬蹄
松下一禪扉
報午鐘
溪橋路斷白雲封
山僧指點遙

岑寺猶隔嶺
屹四五峰

下盤山作

盤山志

卷之十四

撲面紅塵暗
客衣年來蠟屐事
全稀卻從仗外看

山色一路題詩
歷翠微

游盤山

昔讀寰中記
茲山勞夢想
十年思一游
塵事日缺

掌扈

蹕過薊門承

高士奇

恩恣觀賞
馳馬踰崔巍
趨途漸深廣
縈迴石徑紆
盤旋下

復上山
勢兀嶙峋
奔厓盡骯髒
緩策登危峰
煩襟

盤山為爽
嚶嚶野鳥鳴
汨汨山谿響
莫春天氣佳
小

憩在林莽松泉臣所須性志本踈朗茫屬車塵
時曳青藤杖從來箕頽心對此聊俯仰
上盤絕頂中葉大鍊管云古人盤坐時或謂之盤
千仞聳危岫孤高數上盤扶筇看更險捫葛步仍
難天外松風落屋邊草色寒塵襟一以滌獨立感
無端論詩韻賦感氣代機稟性稟草對鼎對

再遊盤山

莫春陟崇阿山靈謝客久迴車重逡巡修復中夏

首取徑異疇昔彷彿尋谷口緒風從南來泉聲清

盤山志

卷之十四

二

且瀏繁英過眼新密蔭解襟受感此節物遷行行
歷岡阜石人坐藤蘿招我若舊友四山空翠來盤
磳豁兩肘對之萬慮澄身世渺何有側足天地間
煙雲結樞牖頽茲塵外游屢許鞅掌後飛躍任羽
鱗睽焉撫高厚

題黃鶴山樵樂志圖兼憶盤山

元人四大家王叔明畫充不易得余

昔游盤山見其巘石磊磊松枝落落以為絕似

叔明禾中李九疑嘗云古人繪事如佛說法縱

口極談所拈往劫因果奇詭出沒超然意表而
總不越實際地所以人天悚聽無非議者繪
境事不必求奇不必循格要在胸中實有自與現
境相合此樂志圖卷竹樹蒼鬱樓屋映帶自是

叔明極得意筆跋語不知何時為人割去又聞叔明有會稽書屋圖南村圖他時當一遇也

山意殊秀聳結構隱林壑羨蔭環竹樹芳香翳芷
葑田疇既已耕畦苑游可樂妻孥情熙熙弋釣恣
旁礪相與數良辰朋來事杯酌斯境本不難幾人
成避託披圖有真想妙筆况黃鶴我曾登盤山攢
峰石交錯高下被長松澗水繞囀脚意者山樵翁
粉本收囊索忽忽十餘年佳游尚如昨山居志未
遂派懷付窳廓

讀盤山志賦詩四首寄懷拙菴大師

盤山志

卷之十四

三

平生邱壑未能忘蠟屐拋來住水鄉記得盤山三
月莫馬蹄行處埜花香

恨少竒書廣見聞開緘十卷水山文呼童摘取薈
薇露盟手輕繙到夜分

萬株松影千峰石一度經過半世思忙裡壯年悲

裡老

昔時夙夜在公流光易
遭兩年悼亡頓成衰老

蒲團藥竈閉門時

梅天幽夢繞青溝妙緒清言讀未休林潭即今誰

可共往還書札慕司州

兼懷阮亭侍郎

盤山拙菴大師書來奉報

朱彝尊

三盤勝地稱絕衆嶺何峰最尊別後時勞夢寐書
來興轉飛翻青松十里巖磴紅杏千株寺門好雇
犢車一兩輭塵碾到山根
送宋僉事肇之官通潞
中盤曾聽佛樓鐘按部重登紫蓋峰料得使君吟
興發塞門百道走紅龍
寄別拙菴大師
青溝雲木書叅覃夢想蠟栖燕子龕惆悵花時仍
不到滿衣春雨返江南

盤山志

卷之十四

四

盤山

汪晉徵

昔觀薊邱志茲山勞夢想今來侍

鑾輿松石遙俛仰自襄大禮還便道愜尋訪入山徑紆折

泉淙耳邊響初地得感化遺構落荒莽藤蘿坐石
人見招如拄杖林巒最幽秀淨業標名曩傑閣瞰
虛空踈樞樹梢上緣石勇躋攀瞭甲臺個儻行經
少林寺宗風猶軒朗老衲慣將迎肅客供栗橡咫
尺中盤山仙梵清勞攘更上古中盤怪石爭竒賞
正法禪院開戶外一峰楠

聖人題詩句豐碑炳天壤高渾追正始山靈增輝晃我來
在初冬輕寒氣猶益秋花一已謝鳥語聲逾爽絕
頂雲罩峰遙瞻氣蒼茫信宿翠微游黃山夢來往
寄贈青溝和尚
孫岳頌

拙公盤谷隱古佛峙花宮止靜千峰月高吟萬壑
風懷人憑尺素閱世等飄蓬何日閒清論山窓茗
盃同

長安雪後寄懷拙菴大師二首

馬蹄蹀躞御河濱頃刻春泥踏作塵翻笑盤山松

盤山志

卷之十四

五

寂寞百年曾見幾游人

博士由來最冷官思山有夢去仍難空勞看雪遙
相憶獨埽晴峰上下盤

寄青溝和尚

結茆驅虎住青溝裂石天開闢境幽會得禪心自
蕭寂一輪明月萬峰頭

由瓌紮谷至玉石莊入山

雨霽殘雲半嶺橫平沙細路馬蹄輕松風謾謾聞

天籟澗水泠泠雜梵聲山鳥頻呼如有意楚花相

笑不知名同游盡是塵勞侶偷得餘閒快此生
盤山道中
四月盤山草木深七年曾此一登臨杏花楊柳來
時路好共黃鸝續舊吟
曲曲谿流逐徑衰馬蹄騰踏入煙霞碧桃知我重
來晚春盡猶留一樹花
歷天門諸勝上雲罩寺

天門孤聳暎清暉苔蘚重重瑣翠微神物古池開
一鑑仙靈幽洞閉雙扉撲爨危石鷗初落插漢竒

盤山志

卷之十四

六

峰鶴欲飛鈴語遠聞山徑轉短筇扶我竟忘歸
游黑龍潭投宿暗峪寺

欲探黑龍潭先憇白雲隴努力勸飽餐無畏登陟
苦微徑識竒樹異草隱榛楛怪石幻萬狀偃仰復
偃僂或如虯龍盤或如獅旁怒或如鼉鼉伏或如
鸞鶴舞近睇每仿徨遙瞻還愕懔騰躍效猿猱有
筇不暇拄漸聽亂泉鳴喜色溢眉嫵渴甚競抔飲
味甘勝醴醕力竭依危石屈伸撫雙股前途正險
巖况復多蛇虎躡足履巉巖恨不生雙羽橫亘眠

石虹皎潔無纖土懸流挂足練蒼翠苔紋古映日
發光華微茫辨絲縷噴瀉注洪潭颯颯生風雨清
澄鏡面平須眉擬可數環凹若駙錡欲濟無檣艣
週遭石浪生疏鑿疑鬼斧深杳不可測傳是神龍
府賓從暨僧伽相視舌各吐云更有三潭聯珠嵌
蠟澣倦者先告歸進退分步武夕陽亂人影相顧
倍踴躍突兀兩山逼巒壑肖天姥三潭水深溜厓
峭削雙堵積蘚觀藤蘿蠅涎汗綸組顧此肌骨寒
悚慄不自主怱怱轉林麓隱隱聞鐘鼓倚杖叩僧

盤山志

卷之十四

七

麻振衣登梵宇老衲餉果茗山厨炊杭稊飯罷尋
斷碑零落字形腐放腳卧禪牀清歡洽肺腑默數
此日游昔賢孰堪伍擬徧告同人先須秃筆譜

入盤山

衛台瑞

滿村梨葉帶霜紅最愛名山風雪中儼若峨冠不
可見三盤頂上白雲封

出盤山口號

蓮花池小一雙灣亂石霜林谷口還比部何當游
興足馬頭指點說盤山

晚步隣菴訪盤山和尚共話

何五雲

緇塵無地愜幽尋何處微風度梵音
素盃茶香分菊色空天月冷入松陰
十年勞吏還家早四正高僧避俗深
相送柴門成一笑霜枝驚起莫棲禽

到上盤登挂月峰晚眺

韋蘇齋開藏阮旻錫

客子御風來峰巔已挂月月上薊門山
邊笳靜不發薊門秋塞晚無煙塞外高
峰欲插天週迴亭障三千里東臨碣石
滄海邊滄海眼中一勺小塞北江南青
杳杳不知天地幾何年但見陰陽疾雙
鳥古人寂寞已塵埃山川留待後人開
玉關西入班超老磧中更有李陵臺

出下盤

萬壑松聲萬壑泉芒屨踏破五峰煙
驚魂猶向巖間墜快意無如洞裡眠
彈指徧開彌勒閣分身却下大羅天
唐碑宋碣曾何有愁閉空山六百年

題盤山圖

何五雲

三十年前曾閱此而今垂老得親游
昨宵一覺青山夢試問圖中可似不

共話

何五雲

游盤山歸蒼林上人有詩見訊依韻答之

老盡漁陽俠客心青霜匣底冷龍鱗五更誰打鼓
擊鼓百歲空為數數吟曉夢無端雲易散秋燈有
燄月先沉近來不用叅方去會得盤山賣肉碁

將游盤山東諸同志

鄭纘祖

風塵苦羈束邈焉思遠眺况值此清秋煙霞有同
調憶昨上方游山水仰高蹈如何夜來夢親覩盤
山貌巍然雄朔方不與上方肖偃仰羅羣動襟期
豁衆妙微茫杳難分約略覽其要尤愛孤峰竒輕
身凌絕峭坐觀千岫低卧聽孤猿叫醒來心魂幽
猶聞巖谷嘯何當與君期白晝窮微奧

登盤山六十韻

皇天閔華滋驅山作屏列遂令此峰高靈氣於焉
結混沌判何年登臨快此日蜿蜒塞外來突兀空
中出迴伏衆岡環鬱紆微徑折千尋拔地軸一柱
撐天闕高可凌虛無遠能鑒毫髮初登猶搗塞數
轉漸起豁層層凌絕頂了了見澄澈竒非神鼎鑄
峭豈昆吾切不假藕絲穿寧藉螺穴軋自覺石泉

幽羣推林麓鬱三盤曲有餘四望端如一有如奇
偉人視高步還濶有如貞靜姿澹寫無塗抹又如
古鴻文體正而詞括不落小蹊徑渾然大手筆迺
知帝王區遠與郡國別流峙合而鍾神竒蓄不洩
三山或比隣五嶽孰優劣洞壑相崩峭岡巒互出
沒山容幻紫青石狀逞危突老樹鱗櫟朽枯藤蚪
曲屈晦窺猿洞賸曉映龍潭澈高墪落雲霄奔流
倒瀆渤橋疑石梁迴瀑向廬山割陟覽盡丹梯徘徊
徧多寶刹聲傳清磬連翠匝蒼松密轉瞬淡濃分

移時向背失神工迴不倫至化杳難詰以彼雲中
竒幸茲游覽決別來骨日踈興到親朋挈步兵兼
小咸封胡並邊末陶公意特豪惠遠禪堪悅不用
籃輿隨自把桃杖伐將毋山靈觸亟遣神丁奪選
勝期先登耽幽每後歇意中各有屬佳處誰能恣
歷級身頻高迎眸眼一瞥石困棗梨封天厨豆瓜
實采摘怡性情噉食慰飢渴歡賞及稚童追呼踐
履襪傾歌驚涉險超忽欣初脫古跡半陸沉導僧
費指說留連竟夕晨信宿擁裘褐幽夢浩無涯孤

懷勃難遏起窺澗底雲欲掇峰頭月夜氣何微茫
商飈乍凜冽每苦出門艱頗虞行路窒斯游偶然
遂勝事焉可必維昔漁陽亂紛然戎馬逸風塵昏
頃刻干戈競倉卒是山畜逋逃所全十七八天心
應有在民命賴以活誰言桃源洞迥與人間絕桃
源信可求苦為塵世聒褰裳最高峰東望遼海瀟
緬懷管幼安皂帽高自潔欲往從之游青天騎虹
蜺歎息斯人徂清風千里發

盤山絕頂次臧少保韻

盤山志

卷之十四

十一

木落風高旅鴈哀天空雲斷戍煙開三千餘里盧
龍在七十二蒼寶積來塵世幾番悲浩劫清時何
處見邊才英雄事業身難遇少保曾登舞劍臺
三河道中望盤山絕頂
策蹇東臯欲莫天上盤高出萬峰巔游人指點如
曾到一抹浮圖盡碧煙

登盤山絕頂

上盤突起鬱崔巍卓立孤峰何壯哉古戍煙中千
堞出漁陽樹裡一城開翩翩鳥背高低見錯落雲

根松石徧僧言寶燄時放光歲歲佛燈除夕見
重遊盤山呈青溝大師拙菴
憶昔尋游到此間五峰相對一開顏東甘澗隔西
甘澗西架山連東架山雲寺罩餘常帶濕天門開
早不湏闕吾師若問重游興曾向仙人橋往還
留別拙公

我避囂塵到幽境一住渾忘旬日永春風三月山
不寒飽看青松與紅杏半生詞賦何所求結社思
陪惠遠游清泉白石信可戀妻兒待米難淹留勞

盤山志

卷之十四

十二

生汨汨終何極一夢百年如晷刻明日風塵下界
行迴頭只見青山色

陪王吳廬先生游盤山

問訊盤山路乘春竝馬來高低空翠合斷續野花
開斑鹿穿林凜黃鸝隔嶺催人言扶杖客先到白
雲隈

微聞鐘杳杳漸近水淙淙倒影穿雲塔橫枝迸石
松峰危歎紫蓋池古瀉紅龍更上前山去相將策

短筇

老僧解留客，隨意供園蔬。布席憐松蔭，看山愛雨
餘。林深頻竄鼠，池冷不生魚。同是忘機者，探幽縱
所如。
澗斷垂藤接林迴，狹路分五峰，爭捧日。八石各生
雲，僧與豺狼狎，人將鹿豕羣。聞來別蒼蘚，細讀古
碑文。

絕頂此躋攀，蒼茫曉日殷。一身飛鳥上，雙足亂雲
間。大漠連滄海，長城補斷山。遙看古北口，天險舊
秦關。

盤山志

卷之十四

十三

幽尋未云竟，驅馬忽言歸。惆悵攀芳樹，低徊戀翠
微。出山雲遠送，留客鳥遲飛。多少塵勞事，誰能便
息機。

將游盤山寄拙菴大師

殘臘與師期，高松看雪歌。杜鵑花欲盡，真悔入山

遲。

山色潞河東，朝朝憶遠公。青溝望不見，只在白雲

中。

再入盤山憶與吳廬先生同游口占寄之

重尋白雲來獨入青山去青山笑問余故人在何處

由青溝越山至雲罩寺登舍利塼眺望
策杖凌西巘捫葛踰北嶺厓斷徑轉危林深路逾
永微窺白日光亂踏青松影巍峩啟佛宇聞寂隔
入境千尋舍利塼獨踞最高頂鐸響天風翻雲深
石氣冷指點古長城連山作門屏幽薊與青齊微
茫辨煙景絕磴倦躋攀禪房息俄頃夢覺聞踈鐘
儵然道心靜

盤山志

卷之十四

十四

山中寄朱若始

壯歲飄然辭紱冕哀年勉爾傍風塵庶門居士安
禪久粟里先生乞食貧江上鴈稀書隔歲山中花
發病經春餘生漸悔浮華誤近向蓮宮叩淨因
山中夜坐和王右丞韻
松風千萬樹松月二三更惟對一僧坐詎聞羣鳥
鳴形神都已敝身世竟無成不學空門法真為負
此生

山中雜題

來歸入青山去青山笑問余故人在何處

和宋牧仲先生答盤山拙公見招
朱載震
聞說盤山裡春風杏亂飄會須匹馬去不待老僧
招明月紅龍沼青松白板橋薊門連潞水東望未
曾遙

將赴盤山作

清明已過穀雨前正是山寺飛花天老衲一紙期
攜手小僮半夜促著鞭筆牀硯匣早束縛繩鞵布
襪殊安便會須拄杖穿雲去坐看春水流平田

游盤山

盤山志

卷之十四

十六

飲聆盤龍竒未覲煙嵐秀卻幸薊門過五峰得深
究碑兀插蒼穹目注雙睛瞖羣山莽迴合各自劾
奔湊頻年雜塵鞵如馬困閑廐茲喜饒餘間蕪之
當春晝早起理芒屨千像競先就村醪提滿壺囊
橐裹糲糗肴山似讀書宜漸不宜驟稍覩層岬改
乍聽雌雉雌巨石何礪砢勢欲向人仆是時天尚
寒谿訝厓骨瘦暎甲留荒跡琮瑟瀉清溜行經聊
支筇手口快盥漱威紆達中盤紺宇名著舊五松
蔭講堂鳳舞蛟龍鬪科頭松下眠花落黏衫袖往

者戊午歲警
蹕來我

后

天藻劄豐碑山靈時護佑登頓忘朝昏落日照井甃載陟

淨業菴歡呼躍童幼夾道拱栝栢果植亦綿茂但
恨朔風高不克樹橘袖到門啼幽禽便捷穿鼯鼯
老衲出戶迎項縮語誼譎竝立向空階心已飛靈
鷲藜莧任飽餐適口等醇酎梵經誦有期木魚聞
夜扣凌晨踏天梯數里入雲竇撐拄憑榔栗顛危

盤山志

卷之十四

十七

賴臣救遥睇長城雄燧息餘空堦初地聳層巔榦
楠牢結構尋僧下青溝蘭蕙託香臭談詩據繩牀
眄彼雲出岫旋覓舞劍臺攀藤學猿狄從簡此題
名大書還深鏤呼僕磨隄糜欲搗薜花繡更有天
城幽削壁驚竒覲屋背兩方塘風過水紋皺似茲
陵谷佳應居匡廬右作詩傲南山字句愧踈陋四
正多神仙靈異說祕授鶴斃去復來粟粒視宇宙
戰戰人生擬螻蛄無天亦無壽願藉澤鉢泉滌我世俗
疲駕言往從之散髮遠謗詬此地足棲遲詎必訪

勺漏
喜晤拙公
我昔尋師盤山麓三月欲盡春花浮我今逢師長
安陌正月纔過春風茶師住山中理山志而我南
北恒淹留每值方外輒問訊但少佳句將綢繆遙
想青溝真清絕秩秩泉水淙淙流更有萬本老松
樹月明風動濤聲幽似此勝地不長往塵土滿面
殊增羞計日豆苗當漸茁擷芳好向煙嵐游

送拙公歸盤山

盤山志

卷之十四

十八

人間剛許一相逢又躡田疇舊隱蹤石路半遭雲
氣塞山門全是杏花封天隨盤處青三折日到臺
邊白五峰怪我此心同片月隨師直挂碧芙蓉
春日贈別拙公

五嶽名山老貫休披圖指點見滄洲徐無從此開
生面畫出長城半幅秋
蚪爪蛟須裂石紋一盤松是一盤雲老僧菴在中
峰頂手弄蒼煙到日曛

山北山南盡杏花亂雲堆裡遠公家何時許我聞

來往一杖穿林卧石霞
衣上雲煙杖底泉迴看塵土轉茫然此行知踏千
峰雪又住盤山廿五年

送拙菴和尚還山

王孫茂

塵世何緣識遠公
儵然巾拂古人同
半肩猶帶千山雪
一笑如聞萬壑風
雲水無心慵說法
天花有意自零空
懸知明日言歸速
應憶岩前杏藥紅
久住盤山不出山
纔來又逐鳥飛還
緇塵寧染蓮花淨
春晝惟耽鶴夢閒
洗鉢潭中龍起蟄
題詩峰

盤山志

卷之十四

十九

頂月當關道人踪跡真堪羨何日追隨豁旅顏

贈青溝和尚

袁佑

青溝絕勝到人稀
遠寺寒鐘落翠微
多寶塢前雙白鷺
悠悠時共野雲飛
滿山飛雪杏花紅
老鶴鳴萬壑風吟罷
禪心對明月春泉流水自西東

贈青溝老人

龍震

亂石無平路尋師到極巔
空香雲裡結冷翠雨中
懸元亮非貪酒遠公不說禪
白蓮如可續花鳥共

因緣
留別青溝老人
已愛春山色
愁拋秋月堂
飯供雲子
輒泉煮豆苗
香阮籍晴難白
支公意更長
浮名不欠戀
末路好相將

說盤山

我從四正來
未了三盤債
同人問勝游
說之顧不
懈上盤松樹
多中盤燬石
怪下盤流泉
冷十里聞
滂湃五盆溝
不深天門路
最隘雄為舞
劍臺險是

盤山志

卷之十四

二十

六王砦五峰各聳立
煙雲實一派
近為山中僧
勒石分疆界
幽人縱來隱
俗僧焉肯賣
每到快心處
反令心不快

寄懷盤山拙菴老人

每憶田盤山
先動青溝情
青溝有隱人
髮白精神
清結茆巢深
雲高卧在松
聲嚮時一把
晤心素為
之傾飲我漱
玉泉飽我豆
苗羹携手窮
岩竇高險
獨先行是樹
皆有勢是石
皆有名煙霞
雖糲糊指
畫得分明留
連僅五日已
大快生平至
今入夢寐

尚與共品評何能耐劇煩復居塵中城

遊盤山

許兆麟

名山直北翠龍從曲磴衰攀絕處通峰擁蓮花翻
曉日燉垂薜荔響秋風蒼松懸雨看天密清磬穿
雲落澗空已勝翰游收八極何曾笑語世塵中
太行振勢涌盤山山谷盤龍勢莫攀鳥道直通天
北極連州跨海帶重關薊門雲接天京樹結想山
靈不我顧塵途執掌歎倭遲突而行值登山路路
迴五峰刺遠天雲霞閃爍擁青蓮泉穿石罅淙淙

盤山志

卷之十四

二十一

出屈曲寒生萬壑煙山中精藍七十二處處林泉
領幽致上盤天際下盤紆更有獨勝中盤寺高人
遯跡此棲真豎樵麋廢結比隣開山寶積燈傳永
談禪講律人天津我來凭眺窮幽討唐宗李帥師
行道舞劍臺空縱有名帳房石畔生豐草橋下泉
聲去不回暎甲何如洗甲早安得功成策蹇歸一
日一陟山椒老

盤山

博爾都

策杖攀危磴蕭蕭萬木聲雲過衣漸濕泉沸馬頻

驚怪石當軒立枯松隔路橫
渾疑塵世外真覺道心生

懷盤山
曾入羣峰裡林深古剎閒
草花明石隙野路晦松間
溜水和啼鳥歸雲補斷山
至今縈夢寐何日更躋攀

游盤山

百轉羣峰上迢迢一徑微
水流清見骨虎氣冷吹衣
杖易穿雲入人難避鳥飛
經時還詰曲未敢便

盤山志

卷之十四

二十二

忘機

游盤山

錢震

一入盤山意豁然扶筇十里梵宮前
松遮柏蔭疑無地路轉峰迴忽有天
西嶺殘陽東嶺月南窓空翠北窻煙
流連旬日終難別直欲攜筇老歲年
盤之路
十里重岡鳥道衰入山紆折萬松遮
石頭滑處還當省穿出層雲便到家

盤之石

一山竒石累千峯峰頂雲頭盡是松愛煞嗟峨靈
且秀應教憶念米南宮

盤山蘇軾題不覺發巖谷良林呂齊端
三盤翠律環畿東憑空削出青芙蓉怪石作膚土
為骨千溪萬壑蟠蚪龍嵐煙樹色倏更變天地於
此開生面蓮花散蓋列翠屏古寺氤氳時隱見晨
鐘莫鼓鬱相望瀉瀑鳴湍自激昂百尺晴虹跨幽
澗浮圖插漢生光芒亭軒接趾誰經拓閒洞陰森
鬼斧鑿渤碣滄溟指顧間長城蜿蜒連沙漠肥遯

盤山志

卷之十四

二十三

常懷田子春只今駐節亦高人傳燈屢著神僧蹟
靈爨秀嶂增精神年來蠟屐真踈踈髮科頭任
蕭散白雲舒卷若招尋遙對無終弄霜管

青溝贈拙公蘇軾題不覺發巖谷良林呂齊端

此中有開士猿鶴結同心對月石門敞著書花雨
深翠微澹須鬢緇土空衣襟無語坐春澗有時攜
素琴相將談勝概不覺發微吟更指上盤好詰朝
雲外尋蘇軾題不覺發巖谷良林呂齊端

溪亭蘇軾題不覺發巖谷良林呂齊端

桃花爛漫水潺湲獨坐溪亭心最閒天上春雲晴
萬疊層層望去到盤山古寺翠巒空自長蒼臺險
秋日望盤山蘇軾詩雲氣不歸重莫夢駟藤
微茫煙樹薊門空翠削芙蓉望不窮螺髻盤迴青
嶂外黛眉宛轉碧雲中林高泉響驚秋雨僻絕煙
生起暮風但得身閒能濟勝道心何必向崆峒

入山值杏花未謝喜作

蘇軾詩

天工孫才衡

日影

可怪東風樹能消幾日開竟留花未落似待客遲
來帶雨浮紅雪臨風點綠苔山林春自好何必曲

盤山志

卷之十四

二十四

江裁

游盤山

一徑入層巔崿嶇路轉偏馬蹄天上落人影日邊
懸殘雪消春澗荒松帶夕煙招提何處是隔岫有
鐘傳蘇軾詩雲中林高泉響驚秋雨僻絕煙
盤山蘇軾詩空翠削芙蓉望不窮張

靈

四正山頭策短筇亂雲危石踏重重地天人籟千
巘水上下中盤萬樹松古寺琴僧空自老荒臺劍
士有誰逢蕭蕭只恐風雷起飛出深潭五百龍

寄青溝老人

我憶青溝老世情久屏絕
裹足翠微間松雲一簾
閑流覽西方書卷卷古冰
雪慧業望文人每辱
高潔不聞戒律弛反苦
禮法設始信寒山詩即
是真禪悅一別池上蓮
三年想芳烈山中自朝
暮人間變時節述作豈
無志心勞日成拙安得
負麼笈
巖窻就區別

題盤山圖寄贈拙菴和尚

我夢盤山已十年披圖如在萬峰巔
何時拄杖尋

盤山志

卷之十四

二十五

師去再証龐家居士禪

盤山巖壑寫來真馬老重來住後身
他日相逢好
相識笑余還是牧牛人

題盤山圖兼寄拙菴大師

何百鈞

盤山如盤龍祇園當龍背雲生香
爐中龍吟亂雲
內境險人跡稀卓錫拙菴在禪
定發深悟辯才了
無礙心由教外傳道與名山配
清淨余所耽披圖
恍身逮何當遠從游超然去闌
闌

盤山和德松如韻

塞爾赫

涓涓石髓瀉空青，謾說厓松列翠屏。記得中盤西

北望九華峰，勢對孤亭。

環翠亭遙對九華峰，王雱巖山集亦及之。

霞烘亂石帶山村，惠遠東林飯菜根。三十五年一彈指，不知巖竹幾生孫。

寒青暖翠五雲中，石磴千盤鳥道通。一徑香生不

知處，古松花落下山風。

晚春山僧收松花作餅，甚佳，遲則隨風散去。

砂嶺泉邊行策杖，宿猿嶺畔擬移家。就中佳境渾難忘，坐倚長松看綺霞。

水曹佳句近如何，十斛珠璣瀉澗阿。老去把嗙三

盤山志

卷之十四

二十六

歎息輸君滿眼騰煙蘿

辛酉莫春薄游盤山

德齡

似蓋巖雲散薄陰，餘春天氣稱幽尋。出城纔放看

山眼，已作逍遙世外心。

踈籬茆屋亂山青，處處人家映翠屏。回首薊門西

去路軟紅飛撲短長亭。

陰陰桑柘鳥聲幽，渺渺平灘帶綠疇。誰傍名山成

小築，枳花門巷嶺西頭。

峽裏荊荆別有村，交柯新綠蔭雲根。詩人舊識桃

源客今日來看四代孫
諸天樓閣畫圖中
亂石幽泉一徑通
知是僧厨燒
榭葉紅簷煙颺落花風
參天松柏影縱橫
占岫矯雲放午晴
小坐僧窻証
聞見萬林寒翠木魚聲
選勝登臨憶昔時
盤雲深處徧題詩
廿年重倚巘
前樹猿鳥誰能認
鬢絲
雲封藥竈仙人洞
月照香臺佛子家
羽駕颺輪無
返轍重來清恨滿
煙霞

盤山志

卷之十四

二十七

移居盤山詩

永寧

卜宅依山麓
從容亦苟完
編籬三徑曲
鑿牖一天
寬
鼓腹煨鴟芋
章身製鷓冠
舉家清且健
隨在可
盤桓

山僻招提古
人間話易深
鶯花騷客興
泉石老僧
心杯泛東村
酒絃調西澗
琴相歌復相
笑世眼任
升沈

田廬山名巘徑好
處處達招提
飛棟接天險
盤松卧
地竒風雲時
變幻水石自
紛披居近前
峰下開尊

醉所宜

抱疾停農日捐書小坐時分花刪病葉脩竹得新
枝往事多歸夢幽懷盡入詩一樽聊獨酌空谷更
誰期

蒼茫羣動息岑寂小樓空遠水猶將月孤雲不近
風衣露秋露白窓闔夜燈紅此際酣高枕清尊幾
處同

臨流偶適興石上坐忘歸野岫花多致山泉魚不
肥幽栖人事簡高蹈古情微任達無拘束從誰問

盤山志

卷之十四

二十八

是非

煙蘿籠古寺亂石出人寰家在山隅下僧來樹杪
間桑麻秋段段鷄犬日閒閒祇說羲皇世於今見

一班

賜游盤山恭紀

蔣溥

太行鍾淑清連綿躋平谷田盤舊隱地千載留芳
躡洵水放碣石酈注詳記錄形勝推漁陽屹峙鎮
畿服直欲凌崑閬何須訪嶽瀆年年望

翠華游豫耀川陸

別院敞蕭疎

法宮森肅穆縹緲流雲瞳矐映初旭怪石蟠蛟螭

奔泉駭麋鹿野花處處紅巘蘚層層綠

幾暇時澄觀仁智樂具足名山賴傳記

特勅校天祿舊乘多舛訛或陋或繁縟擣辭歸雅馴

宸章謹三復

詔許探幽竒庶不限耳目勝游昔企慕

殊恩今幸沐蠟屐整籃輿問途指林麓春風正潭池山

光金碧煜三盤鬱相望迴合勢奔逐煙嵐倏變幻

盤山志

卷之十四

二十九

振衣恣遐矚清磬出伽藍微聞旃檀馥小憇亦復

佳禪房隱花木摩抄古碑碣文字半可讀絕壁插

踏踏瓊霄藤花風簌簌頓疑窈窕峰飛來古天竺炊煙

一縷斜巘畔露苑屋周匝樹檜杏叅荖藝葵菽耕

鑿盡熙皞穿雲引黃犢方知春事深林間鳴布穀

幾翻何處泉聲幽琤琮戛寒玉石路相激盪勢不異飛

瀑盈科地漸寬縠紋澹洄洑從容數游儵閑逸愛

岩浮鶩坐覺怡我情清澈似可掬丁丁樵斧傳喁于

原斷還續石磴翠微開山腰細如束古松千萬樹蓋

偃空青蔕清風天際來
湓涌海濤感龍鱗何斑斕
攫拏虬枝禿老根長伏苓
往往山僧斲洒然心神
曠遭逢良自勗頻年扈
屬車

宸翰屢諷讀山靈荷寵榮
迭開真面目替賦對關情
異數及微臣周覽往而復
蒐羅重文獻珥筆攜卷軸
佛

地播嘉名仙山紀清福靈蹟發者闡真形傳圖錄
永言名山藏文采煥彬郁會看出器車神凝年穀

顯茲熟敬紬石室文敢效岡陵祝

盤山志

卷之十四

三十四

賜遊盤山恭紀

錢陳羣

扈從

橋山歸馬策向西指

異行宮規田盤攬勝集衆羨春山
選宸賞花柳何旖旎未明即求衣
幾務各待理侵曉閱封章批答馳
萬里少馬徹尚食

天房駕馭駟名刹證重來流覽標大旨

翠罕或穿雲回轡未移晷樂山見本性得詩盈剡紙
傳宣盥手讀廣和慚鄙俚謂是當卧游刻劃想像

裡何期

名對間餘論及山水

曰盤當勝處面目靈鷲似爾生靈鷲鄉爾曷不游此今

者風日佳暫假廢可以出趨

行幄中用敢白相揆同志五六人聞者各歡喜上馬

取道西瞥眼驚芳藹誰栽仙人杏千樹爛霞綺紅

者紅於桃白者白於李馬前有鳴泉泉側石齒齒

俛首上石梯磴折竦岌叢有寺名天成紺宇巖半

倚其下小平處石壁堅如壘緣徑陟北岡一步一

盤山志

卷之十四

三十一

殊軌或如馴象蹲或如圍棋案或笑而欲墜或張

而如哆蘭若結其間萬松護其址登樓仰

御題海天同一視松濤無根源隨風自起止布席在松

下茗飲就石几嵌空安禪室如甌亦如雉欲上足

知疲中輟心仍企笑與山僧言願借住一紀捆書

一千卷讀竟出還任題詩留石罅萬松老居士山

僧為我言去道或倍蓰盤中七十二幽絕略可比

天留此枯寂化人實所委山厨無一物蔬菜遠城

市虎狼日磨牙食人如驂豕日落即闔門廢患庶

天可弭昨聞

萬乘來曳尾各他徙秋官掌邦禁官在道可履守道而

廢官茫茫更何恃遭逢

堯舜君行與夔契擬豈學田疇董槁項飮糠粃再拜謝

山僧我言實戲耳扶童行彳亍低頭默自揣頃臯

日將吳一抹莫煙紫雖有他勝處不敢復請矣我

昔持使節六渡灤河浹屢經盤山下相望尺與咫

昔也對面失今也把辭始遇合有定分飲啄惟所

使要於緣慳時珍重慎一跬援筆記同游各各詳

盤山志

卷之十四

三十二

姓氏其歲辰在申其日為上已

題盤山

行宮門外雙杏五絕句

此日

宮門倚作衙常時麤服稱山家居人云是百年物老

樹猶能著萬花

也許山容近玉除恰過寒食嫩晴初端莊婀娜仙

萬人服看徧千林總不如

肯教桃李占春風雨綻霞蒸暈薄紅樹下最宜

天仗馬驚黃絲勒玉花驄

一枝天矯更盤拏得地天然擁白沙開向中書省

中客故應題作紫薇花

東偏一枝開特盛閣部行帳直廬即設其下

分付東風莫漫催好花未要盡情開明朝別爾當

歸去散直斜陽立一回

賜遊盤山恭紀四十韻

鄒一桂

環畿抱重峰良位起巖嶮幽光儲精竒元氣苞蘊
結來游肅扈從眺望引領切剡藤披欲圖印竹倚

未出

盤山志

卷之十四

三十三

帝曰汝往哉豈可覲面失揚鞭入花塢結伴尋仙窟陟

岡藐三盤下阪輕九折怪石滿林麓棋布而星列

大者如車舟小者若爪舄懸者如欲墜動者如欲

活眈目號虎躡昂首狂象突境靜色奔駭心曠神

凜冽馬乏換籃輿松聲亂溪舌山譁人語啞樹黯

禪燈滅飛虹架危卵斑蘚生銹鉄跳珠落襟懷蟄

蝮伸洞穴爭流無俗湍闢枝有竒奪蓬蓬雲蓋張

紺宇撐既隍跨虛接藤蘿激竅噴滃渤山僧來睢

天盱問言苦詰屈冠者五六人中途已拋撇倒榻息

吁嘻索飲救枯渴
壁詩飲

御題篋志嗤可抹
愿歸誠妄附田隱
亦牽說盤澗自成

邁盤阿自羅刹盤
石自磊砢盤松秀
孤牙監空且

盤固盤繞亦盤鬱
以此得盤名穿鑿
正不必我來

此盤桓為盤寫凹凸
就泉作硯池燒松
為朽筆盤

意會心胸盤斂非
倉卒天成萬松圍
甘澗東西別

少林蔚中盤鉤勒
遍殘碣梵宮七十二
過訪僅什

一雲罩天門開遙
望絕頂末目貪足
力疲山黜日

光沒訝茲鞭血羣
深恐履尾啞晚風
乾汗水佳境

盤山志

卷之十四

三十四

且回輟留待他年
登靈輿忌盡扶長
歌記勝游

恩既已忝竊

登盤山

漁陽重鎮削芙蓉
紫蓋攀躋第一峰
亂石雲中蹲

虎豹寒泉松頂走
蛟龍微茫海氣環
無外層疊邊

城繞幾重身在栖
猿最高處擬將白
日挂孤筇

天窮漠北鬱崔嵬
佛海龍池獨往來
纔上半山無

鳥雀早知下界起
雲雷隱居為指田
盤谷舞劍還

尋李靖臺到此并
忘身世感茫茫大
地總浮埃

游盤山自天成登萬松寺邀陳紱山張鏡壑同作
十年騎馬京華客對面西山曾未識田疇先生舊
裘曰脩

隱場夢魂往往相憶快哉茲來夙願酬一笑欣
然動顏色紅塵漸遠山漸深騁鸞翩翻理行策高
處全遮佛子宮隘時幾絕游人跡寺前劔石撐孤
青寺後琴泉漾寒碧峰迴徑曲幽復幽衆籟空
鐘磬寂忽然天風海濤相御行長松萬竅同一鳴
颼颼謾謾不暫停老龍天半聞吼聲驟雨乍掩春

盤山志

卷之十四

三十五

書晴激揚震盪立欲傾何必鼓柶尋連成到此已
足移我情掉頭便謝青冥去歷險捫竒行且住萬
幕沉沉隔暮煙依微不辨來時路此游鄭重非等
閒放朝特荷

君恩寬平生寂寞苦愛山誰識坐致輪躡間百年一瞬
竟焉是但當歡樂無憂煎下有清冷百尺之深淵
上有蔚藍萬里之高天縱日直過飛鳥前白雲千
頃何茫然爽如鷹脫韝上絀曠如馬出泥中韉人
生固取適意耳以我自視寧非仙明晨隨

天輦驅車發重來亦是經年別石上題詩誌不磨丁卯
洪之年仲春月

賜游盤山恭紀
董邦達

田盤山色天下秀

真人樓觀開雲岫每從朝退望翠微飛來復見此靈鷲

平生結習耽林泉况得竒觀邇

文圓披圖覽勝久神往結願何時始得副丙寅九月

秋景佳承

旨遂得凌高岨霜林點染紛繡繪千巖疊玉層雲排穿

盤山志

卷之十四

三十六

雲漸入最深處似登閬苑升瑤階躊躇滿志歸自

慶

君恩曠蕩真靡涯數年以來勞夢想時對三盤憶蕭爽

花外煙霞鎮卷舒松間風月森虛敞神馳益覺登

眺美躬歷曾諳名勝廣從教吟望心徘徊祇瞻彩

翠依

仙仗今春正值三月時花磚日永趨

彤墀

天語傳宣勅授簡山經輯綴探幽竒舊志一編未醇儻

比邱蠡測還傳疑今茲蒐羅務詳慎廣擇博訪宏
辭摛有

詔更許蠟游屐洞天真景恣尋索驚逢異數出螭坳喜
隨仙侶過鸞掖四面蓮葩拔地攢千章松樹參天
劃蒼玉劈殘巨靈斧黃金布滿能仁宅盤泉伏地
琴箏幽白石齒齒噴清流洒然似映冰壺立頓疑
萬壑澄高秋是時山花將吐萼瓊枝敷暢環丹邱
岳王金碧照耀人天界神秀一一歸雙眸五岳真形圖
未易況是壺天清景閱親切應須得縱觀仙游更

盤山志

卷之十四

三十七

沐

君王賜雲霏松棟瀑聲喧日麗芝房峰影邃經營粉本
備規模粗識

堯禹恭儉意茲山造化精英鍾煙嵐岵嶸青芙蓉

聖祖宸翰耀珠璧我

皇御製鏘笙鏞高逸已垂田盤跡古德直開臨濟宗二

西可三三神四崑崙縣圃相追從微臣此日懷油

素記取清華得殊遇豪吟欲繼龍池篇縷述思摹

上林賦蔚藍瑤碧撲襟袖氤氳不辨天上路相期

搜討紬秘文石渠天祿附傳注茲遊三度

思屢邀春光秋色均逍遙致身福地良不偶典籍特重

同文朝爨穴幽人慕貞吉

帝庸作歌隱可招願將崆峒訪道志譜入金簡期松喬

盤山道上盤山吟味詩並次韻 薩哈岱

遼廓風煙古薊州盤中清景近深秋低坡蔓草眠

黃犢遠渚平沙下白鷗日轉千峰開鳥道雲橫壑

塢見僧樓等閒恐被山靈笑馬上題詩紀勝遊

秋日扈從盤山天成寺因憶昔游

盤山志

卷之十四

三十八

不到田盤二十年又隨

清蹕一攀緣雲含蒼翠山高下霜絢丹黃樹斷連雙塢

影懸峰外寺萬松響雜澗中泉天成舊是題詩處

指點煙霞滿目前

讀德松如盤山倡和詩追次原韻 沈青崖

聞道天成寺最幽山藏曲室少平疇衛公遺蹟千

秋壯劃破罡風到上頭

煙霞層疊薊門村特為聽泉憇樹根行過青溝登

舍利巒頭俯瞰見諸孫

磴危泉怒亂雲橫鉢內龍歸法雨晴夜宿上方諸
品靜倚床猶聽遠鐘聲

起登雲海望天涯甘澗東西好住家挂月峰前迴
客屨補衣剪得赤城霞

登盤山

符曾

石壁挿天起三盤踏翠登中藏隱士宅蘿徑挂脩
藤莫與歸雲宿朝看曉日升居人不識我喚作入
山僧

攬勝集選秀紛然滿眼來春風下殘照松壑散清

盤山志

卷之十四

三十九

哀山湧翠螺旋石分青峽開思將衣上垢一濯澗
邊回

明月清無際言尋石徑微濕分松葉露涼滴水田
衣懸瀑垂如練崩崖勢欲飛陽阿如可即余髮殆
將晞

人到萬松境恰當亭午時上盤浩雲海下界淨琉
璃潭影窺天小經聲度壑遲由來清絕景塵外幾
人知

宿東竺菴曉起山門看雪

陳

高舉

海水夜剪馮夷宮八萬四千驅天龍我佛要施鉢
花滿冷飛戲白迷璇穹朝來披裘出門立天地溟
濛糊一色亂擲空中晶不分小者如拳大如笠四
山不見青蓮跌春意散入枯林枯我疑昨來塵境
改不然翻身跳入仙人壺耳邊有響不知處澗底
幽泉作人語為語諸公莫浪猜此段竒觀殆留與
湏臾日耀扶桑隈一鳥不飛天鏡開素華倒射銀
漢白上下直接千樓臺舉頭撫掌屢叫絕大聲欲
聳山靈回今年偶赴游山輟不意看山兼看雪看

山雪裡山更佳滿目清機杳難說我生與山頗為
緣青鞵布襪無時閒天公恐我太寂寞故教神力
鋪綴乎其間一覽已覺凡艷陋道人休約紅杏然
自蓮花池捨車步至天成寺

捨車理簷屨石路盤谿鈇朝暎在溪門斷崖露削
爪冰底啼幽瀨宛轉行脩蛇兩山環肘腋徑轉開
衙衙翠屏駕香界萬萼青蓮花平生泉石心於此
興更賒禮足向白佛幡影揚寶珈
出門立天
晚自歡喜嶺取道西峰樵徑而下

松風吼潮音澹日西嶺帖山僧導我行取徑何蹊
躒側身穿石門荒榛蓄衣袂崩崖鬼面皺暗雨莓
苔澹下臨勢不留有似冰帶麻查子濟勝強騰身
自誇捷同人怖無言予亦屢回怯稍見祇樹林禪
燈出香葉仰面千仞巔翠色與天接不加一枝藤
雙足何由躡心然陪靈身葉那未夫策杖或吟雪
自上方寺踏雪至少林寺觀多寶塔有靈藏以靈

朱希岷

山腰積雪白層層掃徑偏憐灘帚僧指點少林雲

盤山志

卷之十四

四十一

外寺尚留餘興踏春冰

宿東竺菴曉起山門看雪

查為仁

晨鐘警夢破殘燈耿菽粒歛息跣床靈籟延虛
入初驚蟬爬沙旋訝蠶食葉振衣先衆起迺知雪
霰集近山銀闕封遠山瑤臺立大哉造化功寒光
萬里吸我欲扳松行松松玉龍蟄語客且收筇地
爐傾米汁不置青好水帶麻查子散粗野歡良
望盤山案云門荒林蓄衣袂崩崖鬼面皺暗雨 濤
長嘯出都門翹首望盤嶠遠景明村墟浮雲澹察

廓褰裳涉通津春水半欲涸是時微雨零夾岬桃
花落煙郊入馬蹄平沙淨如削岡巒稍蔽虧雲樹
互旁礪竒峰決散來蒼煙滿林樾耳目頓靈異心
神坐起忽停鞭倚夕陽迴首想城闕日入爭餘光
往來猶奔蹶咫尺緬靈區忍向塵埃没山僧早閉
門寂寥晚鐘歇

自玉石莊達天成寺五首

並癸丑日蘇含菴題

步步泉聲急層層石色分入天無寸土橫路有孤
雲桺鼠時驚客林猿各覓羣鬱然深處望嵐氣曉

盤山志

卷之十四

四十二

氤氳

州郭望嵐原類

稍緣一徑仄漸逼萬峰齊曲折藏幽處人家過澗
西數驚石欲墮回訝路全迷幾日桃含蕊殘紅流
滿溪

餘寒猶中客知是入山深躑躅花迎路栗留聲出

林偶隨漁者去或負釣竿吟小坐蓮池北蕭然淨

我心

蓮花池在天成寺南

岩來蒼巖斷林樾耳目頓靈異心

雲壑都迴轉峰巒互帶纓於山為曲室有寺號天
成絕壁

宸章迥高峰佛塔聲老僧諳舊跡指點澗泉名

樹影沉沉合山光簇簇濃蒼煙來絕壑落日在高

峰晚飯抄雲子香泉芑鹿茸名菜耽吟殊不寐卧聽

上方鐘

由石門歷萬松寺至盤谷禪院

疾行取山勢緩步覓山趣琤琮辨風泉窈窕測煙

霧石門割竒秀怪石森相聚蒼骨間青脂一一狀

刻露人言始皇帝長驅競海渡憤不受鞭箕遁逃

散此處蚪松萬萬株長根黏石固下銳而上豐斯

盤山志

卷之十四

四十三

語信不誤林端杳鐘磬花宮恣游寓突兀巖顏峰

穹碑策高踞云是舞劍臺英雄於茲駐至今風壑

松時作蛟龍怒翻然更東下披榛尋微路磴石相

陵臨塘坳幾回互山光變更竒夕陽亂煙樹壑獸

紛鳴嗥鳶禽各歸驚前林覩深黑寸心多恐怖盤

谷方丈地踟躕一迴步

游盤山

投晚山前宿凌晨上翠微花香時入袖雲氣自沾

衣綠樹千重合清泉一道飛采來薇蕨美曉露未

全端如來新時直球滿福四郎首對四三三

為愛山光淨招携愜素心留詩題石壁把酒坐花
陰堊鳥能窺客林風乍滌襟未能長住此翻悔俗
情深

山居詩

釋德本清

獨坐長松下悠然太古心高山流水意誰復是知

音

松下數椽茆屋眼前四面青山日月升沈不住白
雲來去常閒

盤山志

卷之十四

四十四

靜夜鐘聲不住石床夢想俱空開眼不知何處但
聽滿耳松風

春深雨過落花飛冉冉天香上衲衣一片閒心無
處著峰頭倚杖看雲歸
青山不動自如如朝暮雲霞任卷舒縱有紅塵深
萬丈曾無一點到茆廬

依巖結構草為菴乍可容身止一龕但得心源歸
湛寂任從世事付癡憨三竿日上還高卧丈室雲
封不放叅佛祖直教踪跡斷何須前後列三三

盤山劉子翬詩出雙雲散隱扉入人行乾

形無定向勢如龍古樹扶疎嘯晚風
面面煙霞浮
幻景層層蒼翠露真空寶圖卓立千峰上
金刹橫
開萬壑中舉世丹青描不得白雲常繞梵王宮

山居詩自乘碧柏林林一賦題

憑空一片山玲瓏無背面巘下有龍吟可聞不可

見來谷

春深崕際草萋萋牧豎攜籃過澗西試問於今何

處去白蓮池畔采青藜

盤山志

卷之十四

四十五

夏日雨後望盤山寄青溝和尚

智暹

炎炎盛夏當初伏汗下如漿髮如沐驟雨驚雷何

自來倒甕翻盆經信宿曉起潞河忽放晴燕山薊

嶺來心目飛翠浮青指顧間卻憶師兄住盤谷幽

人永矢自弗諼卧枕松根一坦腹慚愧而今老大

身濫廁法門空廡鹿他時決計賦歸來料得茆庵

不須卜

盤山家向見

盤山怪石攢聳出碧雲端礪氣侵人冷松聲徹斗

寒

盤山漫興

超正

大象本無形名山突兀起
虯松堪盤桓古洞可棲
止師昔此談禪余今斯
論理言前顯正因句裡
明宗旨五峰鉢囊間八
石衫袖裏於斯悟靈機
是真如髓

盤山即目

智韜

曉日空林似晚霞晴光
遙暎住山家一聲清磬
雲邊出幽鳥時銜樹裡
花

盤山志

卷之十四

四十六

四正山居詩

超常

耳觀多清淨流泉響若
琴鍾期歸去後無復問
知

音

一灣流水碧滿地落花
紅不道春歸去惟言昨
夜

游盤山

超然

勝概畿東第一峰煙雲
影裡碧重重烏藤不怕
蒼苔滑數遍厓巒萬樹
松

登盤山

智楷

多年懷此山今日到山間豈獨山幽靜更忻僧意
間是非人不至松石戶常闕登陟無仙骨雲巔未
易攀
盤山
聞得盤山數十年孤筇今日到山巔松岬四處濤
聲發疑是匡廬瀑布泉

盤山雜詩

朴

盤峰勢礧礧似帶癡頑意於中具大觀存神別有
致雲霞時吐納中虛外特稟掩勝潛幽竒處處恣

盤山志

卷之十四

四十七

遊戲洞壑屈曲深萬松靄蒼翠四圍鐘鼓聲饒多
苾芻寄山川祕英華草木生文字惟我信宿緣住
年十有四招隱寂無人虛存招隱志
盤龍作住宅茹養寄吟哦豆苗充午供既飽資天
和彼茁者黃精春深遍陂陀采之必以時食之不
厭多夫豈取遐壽抑以療饑疴時乎忘遠近曳杖
躡嵯峨山泉清瀾漪山樹老婆娑安居停無回互禮
法不我苛洵非人間世韶光一刹那
石古雲根竒岬懸樵徑反老僧不耐開放眼看秋

色盤山圖三首

遙峰一望迥難齊
煙靄空濛落照西
二月春風無事事
山前山後聽黃鸝

上方寺東有前人詩
鑄絕壁上字半湮沒
洗苔讀之得君昔有言
歸李愿之句有作寄朱竹垞檢

數討

君昔有言歸李愿我今無語憶田疇
為尋二妙閒踪跡
遍踏巉巖未肯休

同洪昉思游衛公菴至天成寺作

盤山志

卷之十四

四十八

幽谷迥禪房
跣跡忘歲月
門徑恒蕭條
春深草亂發
勝游久不萌
高興今勃勃
出門失後先
蹂踐松鍼滑
過山復過山
險隘遭顛蹶
下上歷招提
丹竈耀林樾
老僧注意殷
留客飯薇蕨
日午向天成
逢陰樹底歇
快哉到寺門
胸臆自超越

過淨土菴

細路荒寒照眼迷
山花滿院見幽棲
老僧對客無言說
笑指南軒作畫題

題盤山圖三首

點出三盤最上盤浮圖高棟碧雲端想知夜半鐘
聲發應有神燈繞佛壇

千峰萬壑冷森森飛翠浮青入望深七十二庵人
不見黑龍潭底老龍吟

千株萬株青松樹十里五里紅杏花看到田疇舊
隱處梵宮影亂夕陽衰

龍文雷王桎鶴游盤山訖卻返津門作此送之

山水有情人始獲山水妙領覽旨趣深不假目力
照君契山水情塵鞅俱拋掉來此汗漫游芒屨易

盤山志

卷之十四

四十九

輿轎刻畫山之神似與山靈約山水嘿無言我作
山水調送君返津門岵壑發光耀歸示社中人啞
然同一笑

入盤山

德意

真見盤山勝巍然壯薊門奇峰齊日面怪樹挿雲
根未過中盤寺先經亂石村臨流貪濯足不覺已

黃昏

山中口占

路險疑天近峰高覺日低金臺望不極猶在潞河

西

盤山
再過雲中寺悠然興更濃
峻嶒千仞塏蒼翳萬株
松上下分三澗高低列五峰
澄潭人不到決定有神龍
冬日陪楊雨田登盤山絕頂

青山不我慳因得山中住
住山來故人登陟饒幽趣
趣幽次第着冷翠如煙霧
忽爾朔風來岩壑松濤怒
擬同萬馬奔令人生恐怖
攀陟歷層嵒石滑

盤山志

卷之十四

五十

躡其步紺宇嵌絕巔
孤墜雲中露舒徐到寺門
主僧欣再晤登塔禮佛牙
舍利金城固山水有奇觀
領略在所遇不是箇中人
幾多成虛度

山居

小窓開向綠陰中
夢覺偷然絕異同
到此不知山色好人間
無處買松風

山中口占

山秀石多怪林深路轉奇
三盤無限意幽絕
少人知

山中對壺壺去處不入宮闈
依松結個小茆亭四面青山列畫屏
最是道人消遣處一爐柏子一箇經

同洪昉思遍歷盤山之勝
先生自悔入山遲正是春光向暮時
策杖尋芳紅爛漫捫蘿踏翠綠
叅差厓邊雲氣晴偏好樹裡鐘聲晚更宜
此日相携同眺望幽懷猶約後來期
游盤山呈拙庵和尚

四正磅礴京之東嶽巘邃峪開洪濛
五峰八石嵌

盤山志

卷之十四

五十一

雲表異狀竒形信鬼工聞昔田疇肥
遂此此山得名良有以又聞寶積住
其中龍象奔馳非偶爾迄今列刹如
星分齋魚粥鼓驚相聞浮圖直矗層
霄上神燈靜夜出松雲中有幽人忘
寵辱二十年來遠塵俗道行狐清感

至尊青溝片席流芳躅我來飄笠偶
經行怪石蒼松倍有情何當卜得三
椽地嘯月吟風了此生

盤山志

翠疊煙巒望去幽化人宮闕在峰頭
丹青妙筆難

為寫只許凌空道者遊

物盤中

清閒一味讓僧家
除却焚香便煮茶
物外幽情山內境
四圍繞處是煙霞

青溝對月憶草堂諸友

道王聰

好是青溝月能開
衆壺煙晴輝照素壁
冷露濕冰絃鳥宿三盤樹
鴻歸萬里天
春山雖有句誰寄草堂前

贈盤山道者

無名氏

盤山志

卷之十四

五十二

須髮蒼然氣若霞
朝朝吟咏是生涯
閒來跋石長松下
獨對山前萬樹花

帝京之東盤山之中
十里五里千峰萬峰
青松紅杏與此一翁
更誰管領竟日春風

青龍樓月影草堂詩文

王聰

清閒一味讓僧家
除却焚香便煮茶
物外幽情山內境
四圍繞處是煙霞

盤中

好是青溝月能開
衆壺煙晴輝照素壁
冷露濕冰絃鳥宿三盤樹
鴻歸萬里天
春山雖有句誰寄草堂前

盤山志卷之十五
物產

凡名山精脉融聚處生殖繁昌况昇平既久太和之氣日新月盛人力又加勤焉其物產固非耳目易窮哉田盤骨峻而膚潤霑近天之膏澤山禽野卉自若天機宛如上林苑園中物今茲籍記雖有愧於郭璞之注陸璣之疏而著食用別品類差足資多識矣

果木

盤山志

卷之十五

一

松盤山之松以百萬計而其竒絕者多生石罅中擁腫卷曲其勢不得伸枝多旁抽如怒龍之攫又有陂陀土壤而生者大數十圍龍鱗斑駁或挺聳直天之上或青蔥垂下明王衡所品松為最良非虛語如古中盤之以盤龍抱子卧雲名者東甘澗之以斗笠名者劍臺之以支離叟名者其類殆不可枚舉也

李錯咏法藏寺古松詩造物無餘力孤生此物竒
盤山鈎盤容一騁局促殆相持骨聳青鱗角斑叢赤豹

巖皮雷聲如解作龍戰不披麗執薄秋空黑根盤大
壑危長風有時下萬里為之吹孔蓋邊

天步金幢助佛儀介龜終解甲靈怪亦何為

樹又支離叟二松歌

在劍物有奇偉每絕倫意想所
臺東

及猶非真乾坤迺有此松樹被髮狂叫驚天閣何

時於此詭託根皴皮斑駁蒼龍鱗千年偪側忽怒

伸媧石迸裂青天痕風雷倒激鐵幹偃日月低盪

秋陰昏下有一株不盈尺連螭天矯蟠龍孫二者

化身夫誰是伸縮大小真有神諸松鶴騫復鳳翥

盤山志

卷之十五

二

視此一切非其羣形神直追古蒼頡冠劍儼對荆
靈均陰森不敢久相逼鬼物呵護如欲嗔委蛇卻
下恣太息回首一峰沉亂雲

檜天成寺塏下一少林寺一香水寺殿後三龍泉寺

殿前一皆千年物也

椿有二種菜椿香椿香者較勝

楸樹似核桃殼雨前山下居民采煨皮售之曰楸皮

一名山核桃

椽遍山有之上方寺者最古

構櫛以其葉包果味更香伏日采之蟲不蛀

木蘭芽六七月間采之可凜皂

荆爾雅翼云凡木心圓荆心方七月間山家伐媮條

編器盛糧曰荆圍

山葡萄一名燕萹紫黑色粒小味酸七八月間山家

採之款客

椒有二家椒野椒野椒出五盆溝與小盤山七月間

居人采之醃菜味同小茴香

杏田盤峰坳澗側有土壤處皆植杏春時萬樹齊發

盤山志

卷之十五

三

杏花光炫耀與鄧尉西溪之梅各擅標格仁皆苦有

一種甘者名巴旦杏

李盤山李見容燕雜記

桃有八種是處宜值花時穠艷盈矚

栗史記貨殖傳燕秦千樹栗草木蟲魚疏五方皆有

惟惟漁陽范陽栗甜美長味金史地理薊州產栗

惟今山中所樹落實頗豐

棗多植平岡小阜神異經北方大棗味有殊既可益

氣又安軀

柿小曰火柿大曰盖柿山中最繁盛實熟時葉赤如
燒點染蒼黛不若楓相之待霜也

蘋婆果為燕地果中佳品盤山之麓一樹大可合抱
居人云此樹歲可得錢二十千江南橘柚五十樹
不能及也見唐時升三易齋集

檳子品亞於蘋婆果色赤而微酢

花紅俗名甜果即林檎

羗桃北方多種之以殼薄仁肥為佳俗名核桃

梨有多種曰錦湯曰香水曰紅綃曰棠梨山中是處

盤山志

卷之十五

四

有之其品亦不減河間廣平所產

智朴甘棠辯謠爾雅云杜甘棠郭璞注云今之杜

梨杜梨即甘棠也花純白叢開最繁結實黃黑大

如指酸澀不可食朱注謂白者為棠赤者為杜蓋

本樊光之說非是赤者為棠或有之鐵梗木瓜是

也因有赤白之說故人以蘋果檳子實之夫蘋大

如拳其色紅白相兼而甘檳大如卵其色紫而酸

皆清香可食為果實之尤者珍惜寶護之不暇豈

有翦伐之理乎惟其酸澀無所用故人多翦伐詩

云勿翦勿伐意有在焉棠杜二名本一種無煩曲
解
謹按日下舊聞引陸璣及通志廣志定甘棠紅白
二種為蘋果檳子較智朴所辯為核實
山荆子形似杜梨其果大如胡椒殷紅霜後可食其
木用接蘋婆甘香有色檳子林檎海棠木俱用
此接之他樹接之則不活
竹高止尋丈宜於蠟陰水際

查為仁涓涓泉畔見竹詩脩脩岩下竹經冬翠如

盤山志

卷之十五

五

是最愛兩三枝出石斜映水

藥草

山中藥草未能詳考僅錄數種

黃精博物志云藥物有大毒不可入口鼻耳目者即

殺人一曰鉤吻盧氏注云黃精不相連根苗獨生

者是也按黃精與鉤吻本屬二種本草黃精味甘

平無毒鉤吻味辛溫有大毒黃精一名重樓一名

菟竹一名雞格一名救窮一名麗竹鉤吻一名野

葛折之青煙出者名固活黃精葉似竹每葉傷生

二黑子鉤吻葉似杏而小原不相同孫氏千金翼

方謂黃精於二月采根陰乾不若秋後之為愈也
智朴按黃精盤山最多居人未敢為食自辛亥朴
未結節青溝日采製以款客人皆效之不數年中遍
山殆盡百合亦然
洪昇謝寄黃精詩短髮秋來白漸生虛勞開士寄
黃精草根難與人愁敵朝見三莖暮五莖

百合產澗中根大如卵莖高三尺餘花類萱草而色
紫其中有黑點結子純黑如豆纍紫黏莖上秋冬
斲之甘香可食非時斲之則味苦

盤山志

卷之十五

六

烏藥產澗中藍花叢生味苦毒人康熙初山水暴漲
悉為水削去傳聞終南南嶽多烏藥山家種之充
行道糧然炮製不法者亦毒人
石花產峭壁性寒無毒暑天采之代茶
洪昇采石花寄王吳廬詩千年石上花日月積光
氣寄與玉堂人山中有此味

木靈芝孫興公天台賦云五芝含英而最敷神農經
云六芝之延年耳目紀云赤城山頂有青芝盤山
所產者惟紫芝或云煎湯服之能已心疾

智朴山行獲紫芝寄阮亭侍郎詩二十年來只自知平懷一種最相宜不因偶向松邊去那解深山有紫芝
王士正謝拙庵禪師惠芝詩寄我靈芝車馬形萬年松下斲青冥菟絲聞道垂千尺更欲從師乞茯苓
盤山餘藪木

知母盤山最多采藥者遇之不顧
木按吳氏本草云朮一名山連一名山介一名天蘇一名山薑有蒼白二種神農經云必欲長生當服

盤山志

卷之十五

七

山精異術記云本草者山之精也結陰陽之精氣
朮服之令人長生絕穀致神仙無盡燈云朮有蒼白
二種皆可服餌蒼朮味苦而効速白朮味甘而効
遲盤山祇產蒼朮

服朮方斲朮若干斤泉水洗為之淨清泔漬三五
日濾出竹刀去皮忌鐵曬乾均以小黑豆碾極細
末簾過加紅棗肉千杵為丸桐子大每滾湯下五
六十丸至百丸止久服為妙
野蔬

山豆苗叢生似薇二三月生溪澗側出土輒垂首向
下山家采之作羹極鮮美廬山亦有豆苗產豆葉

杏坪菜

近山杏葉和甘食

宋聲答拙菴以豆苗菜見寄詩杏白松青地幽蠟
豆有苗盤餐足風味采擷訝迢遙煙葉着仍脆香
莖芼未消因之憶廬阜佳話記清宵

王式丹和韻詩土膏春應候山隴豆抽苗以此嘗
新好相思餉客遙飯香良可佐酒渴亦憑消微物
成追憶廬山似隔宵

盤山志

卷之十五

八

喬崇烈和韻詩不荷金鴉久南山想舊苗闌干看
寸寸荒穢付遙遙撐拄應無負

方岳豆苗詩遠莫致之長負腹

膏

育定未消

東坡書生說食真膏首

春羹添故實高唱玉堂宵

劉輝祖和韻詩不是南山種東風暗助苗提攜煙
露滿寄贈水雲遙至味如人淡嘗新使意消周顯
愛佳句咀嚼坐深宵

杏葉菜形似杏葉味甘可食

智朴掇楚蔬寄牧仲觀察詩冉冉輕煙閃閃黃飯
山餘嶺上弄春光豆苗競茁紅侵步杏葉才開綠滿

筐偶摘最憐人不見小鮮偏喜我初嘗非君古道
誰堪寄只許山家作道糧
宋學依韻答詩柔莖織葉碧參黃春礪幽姿泣露
光小摘雲林扶短杖遠馳瑤草侑盈筐種宜上苑
花時見洎憶廬山雨夜嘗榆肉楮鷄誰得似殷勤
論真費道人糧

宋至和韻詩沙柳輕盈弄淺黃盤山二月好風光
黃犬牙鵝管苗穿土鼠耳牛薺翠落筐錦字裁成香
共遠雲厨分至味初嘗只緣蘭蕙同幽契費卻青

盤山志

卷之十五

九

溝十日糧

黃花菜一名綠蔥盤山溝澗中處處有之

筆管菜即黃精苗初生四五寸如筆管

諸葛菜即山芥菜莖蔬之最早者產上方寺及桃園

溝

龍須菜即知母苗

虎爪出土三五寸拳學如虎爪

苦益菜似荳荊葉有浮毛釐生溝澗中三月間采之
爍去水醃烝三五次作徽乾菜頗佳

智朴酬施梅菴寄苦苣菜詩寄我山蔬名苦苣得
來不覺興飛揚無人不道肥甘好誰信此中滋味
長

橡斗子莊子狙公賦芋即此實可為粉中秋前後熟
即墮地居人拾之以水漬數日曬乾去殼復漬數
日磨濾去滓水渾成粉不澀為度或云可愈痢

蕨產九華峰後夷齊歌云登彼西山兮采其薇矣薇
不堪食薇與蕨有辨薇叢生蕨獨生薇莖細蕨莖
窳微有刺蕨無刺薇味苦蕨味甘似所采者非薇
是蕨歌迺稱薇詩又曰薇亦剛止不知何說俟博
物者再考之

菌壯人呼菌為蘑有多種松蘑黃色延壽蘑紫色土
人呼為猪臟蘑京蘑白色出蔣福山一帶大者如
盤雜蘑有青黃赤白色者有毒戒不可食

智朴偕淨衆雨後尋菌弗得詩昨歲秋雨後携籃
步荒陬去去適我意所獲皆中植歸來呼作羹媿
玉浮湯頭一飽忘百慮外此復何求今歲仍秋雨
還同昨歲謀所至不獲一踏遍林與邱

山花

金雀花黃色叢生有刺開最繁形類金雀

卷丹花根類百合而小作花殷紅可愛

杜鵑花一名映山紅遍山有之較南方者色微紫

金銀花一名忍冬蔓生初白色將萎色轉黃或謂黃

白竝開者非香清烈園中植之可作架先師臺黑

塿峪最多

紫薇花酉陽雜組云北地樹絕大有環數夫臂者今

山家亦植盆盎中

盤山志

卷之十五

十一

牡丹芍藥僧廬欄砌間多種之

李鍇招同藏公過萬松寺看牡丹作詩春草弄芳

色相思欲何言孤琴不成調脫身尋邱園新新無

已時遲莫將誰援火傳薪指窮茲理如所宣輒吹

金起客心問彼塵外緣何以契道懷梵雜或不牽行

林歌入沕稊杖笠任後先真境匪遠趣隈隩金繩懸

卷寶華湛琉璃白日麗輕煙翠鳥試翾飛威鳳稍低

金騫諸相固紛糅繫誰得其原妙香粹無著暢悟無

生前

小繡毬叢生石罅中其花攢簇如毬潔白可愛但不
能移移之即枯

玫瑰花紫色叢生有刺極醜作膏食之亦佳

丁香花產五盆溝一帶花繁香烈首夏盛開纍纍石
罅中如繡

甘菊黃色產澗邊花小而繁氣最醜九日采之置枕
中能明目

敷地錦俗名飯花高尺許叢生花紅紫色味甘可食

四月中盛開徧地如錦

盤山志

卷之十五

十二

白藜產青溝高五六尺花純白性喜水煎湯濯足能
止痢藜有三種其紅者生窪下處高丈許詩隲有
游龍是也又有小者味辛其子生采可食

火燕雄者黑紅色雌者黃色巢石孔中或簷下

沙鷄羣飛多鳴盤山春初最多爾雅釋鳥云鷄鳩冠
雉是也土人呼為沙鷄一曰半翅然鷄鳩沙鷄本

屬二種鷄大如鴿岐尾毛脚無後指沙鷄似雌雉
小而短尾紅脚無後指爾雅混而為一故辯之

畫着鳥較南方者微小亦善鳴
桃雀張華禽經云桃雀狀類黃雀而小燕人謂之巧
婦亦謂之女匠善營巢

神虎昔老僧慈慧住法藏寺捨院持法華經二十年
不下山有偷兒屢竊道糧虎即遍山叫嘯響震崖
谷偷兒自此寢息凡盤山之獨處者仗此無虞故
名神虎好啖犬故山中諸庵無犬

鹿盤山處處有之丙辰春青溝西嶺有黑鹿二大如

盤山志

卷之十五

十三

羸其毛類山羊長六七寸羣鹿隨之東西不敢逆
隱現月餘後不復見

松鼠有二種小者不過三寸通身豹紋最靈黠名松
鼠大者灰色善盜果蔬園圃以此為患俗名臊鼠
楚狸能食貓故山中之貓難畜
臊狗狀似狸黑黃色走峭壁迅疾如飛

鱗

蛟龍屬無角有足能變化康熙庚午夏五月霖雨十
晝日盤山水涌數丈杖石裂山出蛟百餘廬山志云

白蛇雉蝮之類穴山而伏三十年則化而為蛟常以夏月乘雷雨去之江湖

善蛇有黃黑二種性馴長六七尺不毒人相傳盤山有五百善蛇潛天成寺墻下嘗來僧座下聽法亦時沿屋壁啖雀雛

布雲虎蛇屬尖頭長尾四足有二種一淺黃色長三四寸一黑花色脊有金暈尾如嫵翠毛天將雨能吐雲俗呼四足蛇

砂石

盤山志

卷之十五

十四

金砂盤山地多有之雨後晶光耀目昔有人患貧入山拾之得數合夸示於人尋以分金爐煨之愈煨愈不成乃曰我窮人爾窮金也棄之而去

玉石產盧家峪一帶周數十里郭璞山海經注云燕山多嬰石有符采嬰帶所謂燕石也關子云宋之愚人得燕石歸而藏之以為寶

豆查石大數十丈或方或圓如盤如削千竒百怪莫可名狀能蓋樹木凡依石之樹倍大

白土產盧家峪東細滑膏潤可以塗飾

盤山志卷之十六

雜綴

古今志乘類有志餘外紀軼事一門以廣聞見錄
瓌竒盤山風氣淳朴千百載中靈幻可駭之蹟依
名附類以傳者視他山為少齊諧雲初之志怪此
列書幸無譏焉今取畸言僻事及蹟涉疑似人可出
入者入雜綴中庶幾正編所列咸歸精核而披覽
者亦無罣漏之誚爾

宋肇筠廊二筆盤山佛燈每於除夕見之山之雲罩

盤山志

卷之十六

一

寺定光佛舍利塿與薊州獨樂寺觀音閣通州孤
山破塔皆有燈出互相往來漏盡各返原處好事
者恒裹糧候之

阮旻錫燕山紀游盤山異蹟有除夜佛燈燈出通州
孤山塿上分為數千百遠繞盤山諸寺至定光佛
塔而止或曰塿中舍利光也

薊州志載獨樂寺在薊州治西南中有傑閣設大士
塑像相傳盤山舍利塿神燈自塿而下先獨樂而後

盤山及諸佛刹云

朱彞尊日下舊聞引智朴志云盤山之頂有雲罩寺相傳為寶積禪師卓錫地一名降龍庵東嶺有舍利塔中藏戒珠六十顆佛牙一具又有彌勒殿黃龍殿每歲除夕有神燈之異

智朴佛燈紀異按宇內名勝僉有佛燈如五臺九華峨嵋普陀匡廬南嶽百花山人常言之即盤山之燈人亦常見之丙辰春二月張灣居士洪應廣及二客僧夜話見燈現於山西南樹杪狀如蓮花大如車輪燄色披敷下有練光數丈搖曳而西己未

八月夜將半朴出戶甫啟簾見燈大如屋起澗中紅光皦皦照衣裾作赭色名諸禪侶共相瞻望壬戌二月見燈二現於屋角東南大小各一去人僅丈許若可攀攬久之而沒乙丑六月廿九日晚課畢見燈現於正南方初如斗忽大如山如煙如雲倏起倏墮遍山南面作雨後霞色其光中隱隱有大悲菩薩千手相光外重光東射莫可名狀禪者瞻禮歎未曾有戊辰四月夜厲風作王子千比部見紅光團圍如車輪橫空而過要知佛燈之異不

止除夜時時有之即厲風暴雨隆寒溽暑之夕亦
盤常有之但人酣眠長夜苦不自覺耳

謹按朱子嘗於廬山天池院見佛燈諸生或疑其
妄曰僧言則妄而此光不可誣豈地氣之盛然耶
盤山之蘊靈毓秀不減諸嶽精氣所聚發為榮光
理固宜然釋氏好為詭異之說必欲以竺乾靈蹟
實之又烏知名山勝地乃古佛過化之所慧日法
炬夫且照耀大千世界不必假此區區者震人耳
目也

盤山志

卷之十六

三

智朴四正山居志云盤山一名東五臺自來峰北臺
也先師臺南臺也紫蓋峰中臺也九華峰東臺也
舞劍臺西臺也晾甲石為下盤古中盤為中盤雲
罩寺為上盤上盤之勝以松中盤以石下盤以水
又云盤山清明穀雨時萬壑青松十里紅杏天然
圖畫此時煮茗磐石上看白雲聽流水相對忘言
覺五千四十八卷殊饒舌也

盤山四處居人每望山頂起雲便知有雨諺云盤山
戴帽又蔣福山龍潭起雲縹緲不散東行數十里

至黑龍潭沒山後居人僉曰白龍過潭不日有雨
雲罩寺康熙三十三年甲戌六月九日夜大雨暴作
礮下水涌數十丈聲如萬馬蹴蹋徹夜不休樓房
傾圮殿前石壩衝去數里或云出蛟或云龍鬪也
寶坻縣南郭西方庵僧永如游盤山至天成寺求佛
舍利精誠繞壇禮拜三日夜忽見舍利數顆從空
而下永如持歸建塔表焉

祥邁元至元辯謫錄云盤山中盤法興寺亥子年間

即宋德祐年

天兵始過罕有僧人甘泉本無元公之嗣

盤山志

卷之十六

四

振公首居上方橡粟充食以度朝夕後有全真之
徒挾邱公之力謀占中盤法興寺迺就振公假言
借住振允之居既久遂規永定王道政陳知觀等
拆殿宇毀佛像冒奏太后立碑改額為棲雲觀寺
內有古佛舍利塔高二百尺及正殿山門一併拆
毀至乙卯後上方長老雲公碎其碑奏告今上皇
帝又郵摩大師少林雪庭福裕禪師朝覲蒙哥皇
帝具陳其事聖旨委付今上皇帝改正其弊仍為
僧院延祐戊午九月初四日也

謹按姬翼雲山志所載棲雲卜築事已見方外邱
蘇處機條下二氏之教迭為隆替出奴入主毀譽滋
多舊志又述辯謠錄云道士李志常等謀占梵刹
四百八十二所叩閭庭辯詞窮為僧者一十七人
道士自此寢息此尤足徵互相傾奪之習存之以
志寺觀興廢之始末云

蟠石東石壁峭絕有盤山古跡四篆字刻最古雅傍
書帶川題三字考帶川乃金大定時人

徐昌祚燕山叢錄云薊州甘泉寺有蛇曰小青龍蚪

盤山志

卷之十六

五

鉢之屬也與人馴狎時盤宿僧榻禱之能致雨

智朴按甘泉寺曾未聞小青禱雨之說惟西山潭

柘寺舊傳潭龍舍宅於唐華嚴祖師衍公今殿角

鷓鴣潭所涌也龍子青蛇服日傍僧居又秘魔巖

傍有潭大如鬴覆以巨石深窅莫測即當日大小

青侍盧師行雨化龍處也茲因徐氏之謠故引辯

於此

蔣超字虎臣金壇人順治丁亥進士一甲第三人康

熙乙巳叅大博和尚於放生池一日入朝聞喝道

聲豁然醒悟詣弘善寺呈解博問曰嗚久聲消居士作麼生會超曰非但某甲不會三世諸佛到者裡也須結舌博曰不許牽耶曳娘直須親道一句超以手指衆曰今日幸有大衆證明博大笑超禮拜博以拂子偈語付之偈曰百衲禪衣酬玉帶蘇公自落箭鋒機今朝白拂親相贈祖道還憑隻手支康熙庚戌子告歸上盤山辭博尋游蜀峨嶺山棄世前一日題寺壁詩曰儵然猿鶴自來親老衲無端墮孽塵妄向鑊湯來避熱卽從大海去翻身

盤山志

卷之十六

六

功名傀儡場中事妻子髑髏隊裡人只有君親恩未報生生世世祝能仁次日謂衆曰我本峨眉着老僧耳故萬里歸骨於此瞑目而逝王士正夾江道中寄虎臣於峨眉伏虎寺詩云絕域相逢感鬢華幾行清淚落悲笳愁中巫峽莫雲合望裡峨眉秋月衰方丈一燈誰問疾孤帆萬里客還家故人咫尺不相見夢繞平羌江水涯又輓蔣詩云西清三十載九病一遷官晚憶峨眉好真忘蜀道難法雲晴浩蕩春雪氣高寒萬里堪埋骨天成白玉棺葉

臣遇輓蔣詩云文星一夜落峨眉仙佛因緣有夙
來期莫道生天非易事再來幻跡自神奇
謹按蔣虎臣蹟甚奇而參大博在京師蛻化在峨眉
窟伏虎寺中僅一至盤山耳列流寓傳未免牽附
故錄其事於此

僧慧喜字心悅滿城劉氏子萬歷己卯年十六聞盤
山石室中有一老宿坐禪師裹糧往謁一見便問
西來祖意從何處入老宿曰汝曾讀永嘉證道歌
也未師曰嘗誦之但不知捷徑入手底工夫老宿

盤山志

卷之十六

七

曰不思議解脫力妙用恒沙也無極師曰不思議
便是捷徑但思議屢興打疊不下時如何老宿曰
但爾還不曾會得不思議倘若會得自然解脫不

曾用打疊也師從此信入

謹按舊志載嵩山僧海寬所作喜禪師傳載法語
頗詳然喜繼無言主少林入汴行化歸骨少室皆
與盤山無關故僅節錄石室老宿問答
朱彞尊曰下舊聞述盤山志云黃龍祖師殿在盤山
絕頂六角以象天圓地方每方各潤一丈通高二

盤丈九尺層檐複楹皆以甃為之建於正統十四年
至成化間鑄鐘一口重二千觔覆以樓

黃龍祖師銅像高三尺餘遼碑云歲饑偷兒入山竊
祖師像至澗中重不能舉欲碎之祖師大喝響震
崖谷偷兒驚散翌日仍舁上山一無所毀

秀峰庵側闢壯繆祠前有石碣二左碣刻不謝東君
意丹青獨立名右碣刻莫嫌孤葉淡終久不彫零
云是壯繆一筆書康熙二年立石意是箕筆也

上方寺東石壁上刻菩薩相又刻悉怛哆跋怛羅又

盤山志

卷之十六

八

刻大方廣佛華嚴經又刻若欲人了知三世一切
佛應觀法界性一切惟心造字畫俱古雅摩厓歲
月無考

康熙己巳夏盤山墊燒四起七日夜不熄松被焚死
無算寺宇茆舍一無燬庚午偷兒盜松無虛日辛
未春三月壬辰蟲災松死者萬計如炬燔蟲似
蠶蠶黑毛身長四五寸墮地能躍起尺許或云天
蠶秋七月霖雨四旬死者復生如故

盤山豐於石而歉於土產薄僧貧牧茲土者每加優

恤前明崇正中有豁免雜莠之碑立於雙峰寺
國朝康熙中有蠲免穀需之碑立於少林寺又山中多
數百年古樹屢申盜伐之禁故得長此鬱蔥

行宮既建兵弁昏旦巡邏深岩景色更月異而歲不
同矣

山中諸古刹月有念佛會蓋始於智朴有張元起為
西規約跋云分身遍刹塵只為婆心切會得阿彌陀
一擲一掌血至今僧侶能守清規亦他所罕見也

明正統時干相寺僧行明善醫眼疾凡目翳瞳青者

盤山志

卷之十六

九

聞風而至咸獲瘳後裔因習其術人謂盤山眼藥
以此

西溪叢語云聞有田子春節義為士雄漢書劉澤傳

云高后時齊人田生游乏資以書干澤澤大悅之
用金二百斤為田生壽田生如長安幸謁者張卿

諷高后立澤為瑯琊王晉灼楚漢春秋云田生字

子春

王士正曰田疇傳疇字子泰或云子春陶詩聞有田

子春節義為士雄宋姚寬西溪叢語引漢書劉澤

傳云云按此詩上文云當往至無終無終正田疇
所居若澤傳田生乃齊人其說謁者張卿乃游士
說客之流安得稱節義此寬好苛之過而不自知
王其鑿也寬字令威南宋人所著書二百卷古今同
異無不該括晚始名對殿中忽感風眩而卒出處
見葉正則集

唐于頔相公鎮襄陽偶閱觀音經有疑一日訪紫玉
山道通禪師問曰如何是黑風吹起舩舫漂墮羅
刹鬼國玉吐曰于頔客作漢問恁麼事作麼于公

盤山志

卷之十六

十

失色玉指曰者個便是黑風吹起舩舫漂墮羅刹
鬼國蕭九峰靈巖寺碑記作藥山李翱事謔

袁宏道答陶石簣書夏月入盤山東南無此竒觀西
天目當退一舍弟自去年九月已斷作詩偶探竒
勝不免見獵耳

王澤弘與智朴書和尚飛錫來京塵以不得相見一
問近况兼悉山中風景悵然者久之承寄兩絕句
此司空表聖所謂得味外味也欲即奉和而侍者
告以踏雨便歸容詩成再寄和尚舉楞嚴經語云

賴有不遷變者在者個誰有遷變者乎直自見與不自見耳弟前詩尚未寫來至今抱歎阮亭云屢於盤山志搜得未收詩文奉寄可稱快事弟從溧陽相國集中見盤山五言絕一首今書上溧陽當世偉人得此二十字亦不少矣

王士正與智朴書再接山中書兼讀見酬之作政如五月松風人間無價恭誦

駕幸青溝紀事足為叢林千古佳話不但作此山一段公

案也小刻未較正舛迥頗多承吾師一一開示深

盤山志

卷之十六

十一

感元人文集內有數十種都未携來京邸竹垞太史日下舊聞蒐羅甚富當無遺珠也名山記名山勝概記諸書曾一檢否祇從列朝詩集中錄得盤山石刻詩一首故相國孫文定公游記一首絕句格詩六首祈補入

又正切疑思忽來芳訊詠詩愛黃葉秋風之句披圖得千巘萬壑之奇便如與吾師把臂入林忘其身之在京雒也口占一詩聊供捧腹竊意此山既以田疇得名則疇生平當詳著之今簡出三國志

本傳及曹孟德表一令一并水經注二條田疇論一篇以備采擇外敝同年陳說巖大司寇吐鎮集中有盤山長歌一首最佳特索一本奉寄

又山居之妙莫過杏花紅葉兩時都為大師占盡書來云塵中人引領東望何異畫地作餅不可啖耶一笑承再示圖志及拾遺辯論退食之暇反復細較數過鄙見所及輒乙其處碑版文字亦間有刪正要以馴雅為歸不識吾師以為然否爵里書法詳略或未畫一皆已改訂此番緒閱商榷似

無遺憾矣特從敝鄉取到元好問中州集又搜得劉迎閻長言詩二首皆金源人也何鐘慎蒙二公名山記搜得李元陽舞劍臺記一篇雪夜挑燈每得古人片語隻字輒為狂喜真書生結習然亦不敢負吾師諉誣耳

又山志久已訂完又搜得明人記一首金人詩二首封緘寄上而侍者適已還山暫留篋笥今馳奉法座刻樣確以十行為古雅前札已詳之如刻成一卷先佇惠教息忽附候動止

又接手教兼得山志新刻不勝忻快刻手古雅較
訂精審名山有靈大師顯微闡幽脩此墜典雲嵐
草木皆開生面而弟亦附以不朽歡喜讚歎何可
名言士大夫頗有詢此書者便中再寄數部以應
其求何如近又搜得故相國李文勤公與今大宗
伯張敦老盤山詩數篇錄上可入補遺尊製普照
上人碑文極簡質元稿附還唯付典記

朱彝尊與智朴書勝游中報近復逐隊趨朝恐紅杏
青松無緣領要山靈定攢譏竦誚矣捧讀手箋恍

盤山志

卷之十六

十三

如覲面上方石壁詩豹斑龍甲雖殘缺亦可寶但
李愿所棲迺在濟源故昌黎又謂太行之陽有盤
谷也然山以盤名谷亦宜然以青溝定作盤谷正
無不可不必援李愿以為重大師棲此足以千古

耳

又側身東望勝游終不能果青松紅杏未免笑人
不休矣忽接手跡如領談塵深慰黃先生汝亨字
貞父吾鄉錢塘人萬歷中最擅文名著有寓林集
李元陽盤山記向曾見之以其不工不錄也容留

心覓之得則郵寄何時北來劇談以開蒙滯跂余望之

高士竒與智朴書弟性同鱗羽愛止邱壑早嬰物務未遂斯懷徒有神往名山時勞夢想疇昔兩度

賜游簪筆息未敢肆所登歷思於請休南歸時紆途入

山就訪青溝與大師一語無生不意寒日束裝出彰義門遂弗獲了此夙願馬首低徊為之悵結田居五春多病閉戶無異禁足枯禪每念盤山佳勝雖未暢游猶喜得窺半面山光樹色時時誇向山

盤山志

卷之十六

十四

農畦友頃者天鑑大師過訪茆堂詢知大師道履冲和青溝禪院日已開闢成大道場更示山志三復讀之正見大師一番苦心指人道路固不在語言文字中而嚴核精考體例佳善使未得身至盤山之人讀之心生歡喜敝鄉徑山天台亦是浙中名境近取閱其志鄙陋謬錯急思擲去并不知其山之佳安得大師撰述為之表彰固知山川之美必藉典籍以傳良不虛也因便候問起居小詩奉懷不堪棒喝舊游詩記自愧未工既荷采入復徵

小序謹附數言希為教劑

宋肇與智朴書七月下澣遽中得手書具悉法體清
佳旋剪燭展山志閱之終卷簡而該核而不蕪是
書之傳無疑山靈有知亦當讚歎大師功德矣弟
清苦如故吾而此間事多悶悶意况殊不能佳來
教云韶光密移念念遷變要知更有不變者存足
見大師婆心為鈍根人棒喝弟輩七尺幻軀正如
一葉舟在大海風浪中聽其掀簸未知歸著何所
恐所謂不變者亦不免流浪飄泊為可念耳何時
一瓢一笠從和尚於青松白石間相對話無生耶
念至懍然神飛矣頃撰志序一首附兩王先生後
敬呈法座小刻附正即日天氣漸寒千萬為道自
愛披奉宵未有期臨池邑邑

謹按舊志多載往來簡牘芟薙略盡間有名流短
翰有闕志乘者聊存數則於卷末盖今日蒐討漸
富而經始之勤勞固不可沒耳



